



Bosnia and Herzegovina  
Federation of Bosnia and Herzegovina

**CANTON SARAJEVO**  
**Institute for Canton Planning**

Broj: 04-19-4826/20  
Datum: 02.12.2020.

Bosna i Hercegovina  
Federacija Bosne i Hercegovine  
Skupština Kantona Sarajevo

Veza: Vaš akt broj 01-04-41956-36/20 od 24.11.2019. godine

**PREDMET:**

Informacija o rezervaciji prostora za sve objekte višenamjenskog vodoprivrednog podsistema Crna Rijeka

Poštovani,

Ministarstvo prostornog uređenja, građenja i zaštite okoliša, se obratilo Zavodu vezano za zastupničko pitanje Zastupnice Neire Dizdarević 21.11.2020. godine o pokretanju inicijative o rezervaciji prostora za sve objekte A i B grupe date u Idejnom rješenju Višenamjenskog vodoprivrednog podsistema Crna Rijeka-VVP Crna Rijeka.

Prostornim planom Kantona Sarajevo za period 2003. do 2023. godine. ("Sl. novine KS" br. 26/06. 4/11 i 22/17) u poglavlju 2.11.Vode, vodne površine i vodna infrastruktura, u podnaslovu Akumulacija Crna Rijeke navedeno je sljedeće:

*„Akumulacija Crna Rijeka, sa branom i svim pretećim objektima, kao i ostali objekti infrastrukture koji će osigurati višenamjensko korištenje voda, čine jednu cjelinu i u tehničkom i funkcionalnom smislu predstavljaju višenamjenski vodoprivredni podsistem. Cilj izgradnje ovog podsistema, u tzv. sistemu Gornja Bosna, je prvenstveno da zadovolji narastajuće potrebe za vodom u Kantona Sarajevo na optimalan način i dugoročno.*

*Bitno je da će sistem obezbijediti i regulaciju i kontrolu vodnog bilansa rijeke Željeznice što je od izuzetnog značaja, posebno zbog sve izraženih negativnih posljedica makro i mikro klimatskih promjena.*

*Koncept tehničkog rješenja Crne rijeke utemeljen na Master planu i Studiji izvodljivosti o dugoročnom rješavanju vodosnabdijevanja i odvodnje u Kantonu Sarajevo analizirao je tri varijante, i predložio investiciono najoptimalnije rješenje. Kroz daljnja istraživanja i projektovanje će se detaljno analizirati sve mogućnosti kako bi izabrala, dugoročno gledana, optimalna varijanta, posmatrano sa svih relevantnih aspekata.*

*U cilju stvaranja uslova za izgradnju ovog podsistema neophodno je, izvršiti rezervaciju i zaštitu prostora, te nastaviti sa istražnim radovima i izradi istražno projektne dokumentacije.“*



Sarajevo, Branilaca Sarajeva 26; Pošt. pret 105;  
Tel: Centrala + 387 33 258-275; + 387 33 258-285;  
Tel: Direktor + 387 33 226-736;  
Fax: + 387 33 209-543;  
Tel: Finansije, Tel/Fax : + 387 33 207- 321  
Web: <http://zpr.ks.gov.ba> e-mail: [info@zpr.ks.gov.ba](mailto:info@zpr.ks.gov.ba)



U Odluci o provođenju Prostornog plana Članom 57. ("Sl. novine KS" br. 22/17) date su sljedeće odrednice:  
*„Nalazišta vode za piće štiti se kontinuiranim uređenjem i održavanjem postojećih i planiranih izvorišta, donošenjem odluka kojim se određuju sanitarne zone zaštite (I, II, III i IV) ili usklađivanjem postojećih sa odredbama u Pravilniku o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanja stanovništva .*

*Za svako područje čija je zaštita definisana Odlukom neophodno je donijeti i provoditi Program provođenja sa definisanim nosiocima aktivnosti i načinom obezbjeđenja finansijskih sredstava i rokovima realizacije.*

*Usvajanjem odluka o zaštiti izvorišta vode za piće iste će se primjenjivati kao sastavni dio ovog Prostornog plana.“*

S obzirom, da se nije ispoštovala obaveza u skladu sa gore navedenim Pravilnikom („Sl. novine FBiH”, broj 88/12), primjenjuje se zaštita utvrđena Prostornim Planom prema članovima 98, 99 i 100. ("Sl. novine KS" br. 26/06.) i 59. ("Sl. novine KS" br. 22/17):

#### Član 98.

*Korištenje obala vrši se u skladu sa Zakonom o vodama Kantona Sarajevo i aktima koji se donose za sprovođenje tog zakona, planovima razvoja poljoprivrede i planovima zaštite vještačkih akumulacija i uslovima određenim i propisanim privrednim i vodoprivrednim dozvolama.*

*Neuređena obala vodotoka je pojas zemljišta uz korito vodotoka, širine najmanje 10 m van domašaja velike vode ranga pojave jednom u 50 godina, a služi za pristup i redovno održavanje korita vodotoka, kupanje i rekreaciju.*

#### Član 99.

*Obala vještačke akumulacije čija je isključiva namjena snabdijevanje stanovništva i privrede vodom za piće je pojas zemljišta van domašaja maksimalno projektovanog nivoa vode u akumulaciji (kota maksimalnog uspora), širine najmanje 100 m, a služi za pristupanje vještačkoj akumulaciji radi održavanja voda u toj akumulaciji.*

*Obala vještačke višenamjenske akumulacije koja se gradi za potrebe snabdijevanja vodom privrede, elektroprivrede, sport, rekreaciju i ribolov je pojas zemljišta van domašaja maksimalnog projektovanog nivoa vode te akumulacije (kota maksimalnog uspora), širine najmanje 10 m, a služi za pristup vještačkoj višenamjenskoj akumulaciji radi korištenja voda i održavanja voda te akumulacije u višenamjenske svrhe.*

#### Član 100.

*Zabranjeno je ograđivanje obala vodotoka i obala vještačkih akumulacija.*

#### Član 59.

*Iza člana 99. dodaje se novi član 99 a. koji glasi:*

#### Član 99 a.

*Poduzeće se mjere za uređivanje dijela vodotoka u cilju sprečavanja plavljenja okolnog zemljišta.“*

Izmjene i dopune Izmjene i dopune prostornog plana Kantona Sarajevo („B“ faza) Skupština Kantona Sarajevo na sjednici održanoj 24.05.2017.godine donijela je Odluku o usvajanju „B“ faze Izmjena i Izmjene i dopune prostornog plana Kantona Sarajevo za period 2003-2023.godina .

Prostornim planom i njegovim Izmjenama i dopunama ("Sl. novine KS" br. 26/06. 4/11 i 22/17) je izvršena rezervacija prostora akumulacije Crne rijeke sa zaštitnim koridorom i time se obezbjedio planski osnov za realizaciju ovog projekta u skladu sa važećom legislativom, te normativima i pravilnicima za ovu oblast, a na okolinski prihvatljiv način.

Izrade elaborata zaštitnih zona ovog prostora i provođenje zaštitnih mjera se trebaju pokrenuti na kantonalnom nivou u skladu sa važećom zakonskom regulativom

S poštovanjem,



Direktor

Hamdija Efendić dipl.ing.grad.

Prilog: Izvod Izmjena i dopuna Izmjene i dopune prostornog plana Kantona Sarajevo („B“ faza)

Dostavljeno:

Naslovu

Arhiva

